



00893

綠雲山房詩草卷下

山陰女史勞器君鏡香

憶花 乙巳

絳雪緋雲想像中
畫闌扶醉立東風
去年今日元都觀
門外桃花紅未紅

夢花

拋琴倦倚綠陰前
別有春光幻枕邊
彷彿南華神栩栩
紅雲深處抱香眠

尋花

爲探芳訊柳隄邊
人影鞭絲二月天
卻笑憨情似蜂蝶
幾回迷路入林煙

綠雲山房詩草卷下

乞花

紫豔紅香露一了
不妨折簡到鄰家
生平未免低頭處
除卻奇書便是花

移花

遷家不用木蘭艘
移出芳叢蝶也降
一路東風管迎送
分明桃葉渡春江

栽花

手鉏明月破蒼苔
暗祝花神特地開
領畧者枝香更好
爲摹畫臺種將來

催花

側側輕寒釀衆芳
愧無羯鼓替催妝
千金一刻休辜負

擬倩鶯聲喚海棠

灌花

新泉曉汲饋花城瓦甕絲絲落水晶人力也能成雨露
不妨晴裏過清明

看花

竹屏風外曲闌干眼熱新紅忍曉寒省識上林春富貴
玉驄金勒走長安

問花

無言竟日爲誰顰獨傍雕闌可耐春明月前身僊子骨
卻因何事謫紅塵

護花

綠雲山房詩草卷下

二

憐紅惜翠幾徘徊乞得濃陰剛半開忽聽風前鈴語碎
錯疑鶯燕隔牆來

賞花

萬樹紅妝一綺筵知君詩酒有良緣傾宵飲盡春如海
醉月飛觴記謫僊

品花

幾人相賞幾人憐月旦難評百種妍第一寒梅最疏瘦
故應春占牡丹先

折花

朝來冒冷入深林穿破紅雲踏碧陰手挽低枝和雨翦
香痕零亂溼衣襟

簪花

添得雲鬟半面妝
有時攬鏡倍芬芳
漫疑脂粉工兒女
猶帶枝頭雨露香

紉花

綵綫紅鍼女手摻
雨絲風片拾筠籃
無端聯作雙娥佩
檢點春痕上碧衫

餞花

綠怨紅愁蕩不開
滿腔離恨此時催
明年有約東風裏
須似梅花及早回

掃花

飛花時節最難留
半掃殘英半掃愁
祇爲憐春情太怯

綠雲山房詩草卷下

三

一肩紅雨不擡頭

葬花

滿城風絮送春忙
狼籍何堪市地香
收拾芳魂歸淨土
杜鵑沿路泣斜陽

吟花

花謝花開總是詩
好憑佳句寄相思
吟魂半爲花魂瘦
管領春風筆一枝

春禽

不與寒風逐暮鴉
偏知天地有韶華
一聲喚起隄邊柳
百囀催開陌上花
淑氣早傳宮禁樹
芳期先報野人家
莫因鶯破遶西夢
錯怪鶯簧度碧紗

立春日新晴

陽和律轉慶雲開朝日光迎萬象回春滿瑤臺人意暢
好花爭向望中來

迎春

百鳥聲催淑氣回猶憐凍雨滑蒼苔從今耐冷開珠箔
收拾花香入戶來

踏春

開門草色已平坡十里香風引綺羅弓撻凌波新製得
踏青翻踏落紅多

望春

秋千庭院翠雲環領畧韶光去復還有意望春春不見

綠雲山房詩草卷下

四

碧桃花下玉屏山

謂南屏山

惜春

香雨空濛冷透肌惜紅情緒半相思祇愁春色隨風去
珍重瓶花賸一枝

憶舅家小園幼時所遊

惆悵駒光一瞬中蕪園卅載記遊蹤池邊魚影驚新月
竹外雞聲唱午風繞砌苔枯霜點白蓋檐楓老葉翻紅
而今王謝堂前燕那識當年總角童

春晝

倦倚闌干賦鸚鵡春光寂寂花陰午夢魂初醒東風前

海棠欲開半晴雨

燕翦

省識東風輕似翦，卻憑燕尾影交加。
細裁簇簇花千樹，快入深深柳一衙。
掠到淞江春水綠，捎來烏巷夕陽斜。
年年費盡營巢計，空帶泥痕印碧紗。

白鸚鵡

一卷波羅悟化機，不爭綠瘦與紅肥。
梨花院裏敲金翦，芳草洲中斝雪衣。
喚下珠簾依小玉，歌成霓羽傷眞妃。
聰明卻受人羈絆，夢逐巴南古道飛。

題文姬歸漢圖

漠漠黃沙遠接天，飄蓬無主逐烽煙。
離鸞別鶴三千里，毳幕韋韞十二年。
大野寒風吹鬢影，香閨舊事憶琴絃。

綠雲山房詩草卷下

五

名山著述嗟零落，屈指遺書第幾篇。
悲笳聲裏罷登樓，綠葉成陰翠黛愁。
細馬尙馱邊塞恨，輕裝重入漢庭秋。
明妃死去餘青塚，蘇武生還竟白頭。
從此燕支少顏色，玉門關外月如鉤。

父母自都中寄賜食物有感

一紙家書信手開，分甘遠寄到妝臺。
自憐不及蒲萄酪，猶帶長安雨露來。

寄示都中兄子申士桐綬兄女蕤僊萊僊

露寒衣薄月華遲，記否東廂夜課時。
斗室裁箋教認字，曲廊分韻學吟詩。
燈前風味三杯酒，飯後工夫一局碁。
惆悵難申臨別約，忽忽已過八年期。

自挂征帆別鑑湖，陡然聲價重。皇都文章從此推，諸
阮顏色於今愧。故吾銀海生花春，倦繡瑣窗延月夜。操
觚山中景物何堪繪，難比藤因一幅圖。裴僊以京邸藤
因室圖見寄

裴僊和詩

年來方悔讀書遲，猶憶趨繡閣時弱質。遠遊疏握
管，慈顏久隔幸緘詩。遙承閨訓千行字，不盡心傳一
局碁。惟願魚軒如日近，長安花月共相期。

裴僊和詩

偶隨征雁渡江湖，回首雲煙隔故都。賦雪家風慚繼
武，詠莪心事獨憐吾。他鄉顛顛愁添綫，官舍清閒勉
執觚。何日慈雲來薊北，藤因室裏共披圖。

綠雲山房詩草卷下

六

寄都中瓣香二姉

樹陰春老綠窗前，乳燕聲中又一年。未了三生文字孽，
可憐千里夢魂天。鶯花有興偏憎別，山水無情誤結緣。
自愧不如一張紙，乘風來去五雲邊。

次第吟花句，率成抽箋常。向月三更詩，心半欲兼山氣。
眼力今須借水精，歸夢過多醒。不惜家書嫌少到，偏驚
一緘裁。答知詞費寫，作蠅頭下筆輕。

清明日作

春來花事在清明，雨後蘆蕪繞城生。寶鴨香濃迷燕路，
紙鳶風細度鶯聲。好山縹緲光全出，碧樹參差蔭半成。
天爲踏青人著意，拓開雲霧弄新晴。

清明聯句用前韻

百年能得幾清明，惜取韶華恨轉生。鏡曉市人炊新燧，
火午衙蜂散落聲。畫鬪歸芳草飛球煖，醉罷醪釀鍊
句成。鏡不有連朝寒食雨，那知佳景在初晴。畫

新竹

一雨龍孫長，及肩幾重新。翠嫩含煙低，隨月影窺窗外。
弱弄風梢拂檻前，族大分宜乘醉日。蔭濃時待納涼天，
知誰能附青雲上。除是林中，小阮賢。

新荷

不入羣芳隊，裏春雨餘穿。破一池蘋梗，抽筆直衝波健。
葉做錢圓，貼水勻小盞。暈珠香自滴，輕杯印月碧，還皺
薰風披拂，花開未嫩，綠田田已刺人。

綠雲山房詩草卷下

七

新燕

誰家小燕過牆東，調語呢喃半不工。輕翅未諳穿徑曲，
靈心先解睇簾櫳。乍開冰翦裁濃綠，世襲烏衣刷晚風。
最是麥天新煖後，成羣待哺夕陽中。

新蟬

小院深沈樹蔭圓，幾聲淒咽攪人眠。愁縈柳綫還千縷，
夢醒槐柯又一年。元鬢風梳殘暑後，南冠魂斷早秋天。
晚來好住紅蕉裏，吸取清宵露氣鮮。

暮春

夜月花陰午，南風麥隴秋。養嬌梁上燕，唬老雨中鳩。別

恨歸晴陌閒愁上畫樓頻年詩酒與辜負鑑湖舟

春眺

一醉醱醱百慮刪閒行處處碧雲環古藤抱樹葉初健
香草當蹊路漸灣布穀枝頭三日雨杜鵑聲裏萬重山
遊人爭似銜泥燕不惹斜陽不肯還

翠浪盈盈麥正花一林暮靄引栖鴉無情芳草裙腰綠
不掃香泥屐齒斜松下雲疏通鳥道柳梢煙重有人家
遙知妝閣簾開處先我歸來是月華

春暮卽事與畫卿聯句

萬家雲樹繞宮牆梅子青時待帶長畫滿徑飛花老鶯

燕一犁春水浴牛羊鏡谿聲到峽過新雨山氣浮空澹

綠雲山房詩草卷下

八

夕陽畫

野外風光看不厭會將佳境付詩囊

鏡

贈晚香

憑君慵臥掩花關萬疊離愁重似山祇是吟懷刪不得
藁礎消息寄刀鋸

春雨梨花燈影青夜來宜夢不宜醒醒時明月涼如水
叵耐鵑聲枕上聽

送春詞二首

棟花風裏整歸鞭去去韶華又一年省識紅塵中是夢
殘香賸粉不流連

無計留春且送春關心風物總成塵綠波芳草楊花路

除卻玉孫無故人

山中怪鳥歌

按促節發悲歌山中怪鳥煩更多慘若嫠婦夜船哭驟
若風雨之滂沱又如老人寒嗽起壑谷山鬼呼躍出巖
阿大者龍獅嘯吼奮且怒小者蟲蚓啾唧歎且訴一時
姑惡罽千年無家蜀帝欲歸去叨叨絮絮一萬聲羣鳥
歡呼獨不鳴空林無人綠葉暗斷腸嘔血逼殘更偷生
不飽饑鷹腹儘教醜類喧山麓杜鵑花滿不堪巢苦借
一枝宿孤獨寄語世間多少離憂人莫度山中焚尾春

立夏前一日

千金一刻是今朝難得斜陽繫柳條小鳥不知春欲去
等閒飛度碧陰橋

綠雲山房詩草卷下

九

初夏聯句

斜風細雨麥秋天

鏡

夏木陰陰約暮煙豆蘭綻青鬆裏

甲

畫

竹根抽碧健行鞭捲將簾起歸新燕

鏡

辨得詩成

送杜鵑收拾百花春去後

畫

隔牆猶是動鞦韆

鏡

幽居

小軒幽邃倚山開雨後清光入座來病酒情懷無箇事
閒看飢鳥啄青苔

幾日鶯聲聽漸稀落花風裏鷓鴣嘯綠雲萬頃遊人少
麥浪浮天雨一犁

端午後二日聯句

青銅窗鈕插榴花
白玉簾鉤控暮霞春去尙留詩酒

債鏡山深聊住宦遊家蕉邊聽雨聲猶嫩畫竹裏看風
影半斜遙憶故鄉觀競渡鏡奪標能事幾人誇畫

暑雨初霽

夢覺松牀雨歇時晚來天半暈燕支林殷落日蟬鳴急
窗隔重簾燕到遲觸景有情多憶夢背人無語爲吟詩
迎涼恰好添圖畫水鳥雙飛菡萏池

新涼露坐

月午中庭未忍眠流星隱約澹雲天蟲能鄉語愁殘夜
雁似家書到隔年荷沼香酥知有露松陰風驟不容煙
添衣尙擬迎涼坐曉寺空山一罄圓

消夏詞三十首

依文用上下平韻

綠雲山房詩草卷下

十

炎歊天氣減鍼工赤日如焚萬里同幾度欲求僊子術
廣寒宮裏乞秋風

乍聽蟲吟露氣濃些些涼意暈芙蓉水紋簟上人慵起
枕畔飛傳曉寺鐘

難得幽居闕水窗朝來能使宿醒降清涼靜對閒鷗鷺
浴罷參差立釣砧

整得晨妝倦不支滿庭槐蔭日遲遲別無箇事堪消遣
石埽青苔自譜碁

院落深深畫掩扉炎陽滿徑屐痕稀手揮團扇兜黃蝶
竹粉無端上葛衣

北窗幽邃廣庭虛架上藤陰綠滿書塵尾驅蠅憑檻立

隔紗偷看小紅魚
畫意詩情雨不辜
方塘淺水長秋芙
朱華嫋嫋衝波立
寫出楊妃罷浴圖

裙腰草色綠萋迷
映入闌干一翦齊
日午當天人語寂
虬龍枝上鶴酣栖

拋書小憩壓金釵
清簟疏簾渺渺懷
夢裏有情癡更甚
舊妝樓上鬪詩牌

謂越中舊第

低垂銀蒜隔塵埃
串串珠蘭近半開
爲有幽香關不住
一雙蛺蝶入簾來

睡餘無賴總懷人
夢裏長安病裏身
萬種離言都約畧
但知庭外桺藤因

二老京邸所居名藤因室

綠雲山房詩草卷下

二

風吹池水綠生紋
翠荇絲絲漾夕曛
扶向危闌涼滿袖
秋衫新借藕花薰

無邊涼意沁吟魂
荷蓋搖風綠到門
羨殺文禽不知暑
香初月上慣溫存

三徑深幽夕照殘
竹多當暑也清寒
千枝萬个翠煙暝
支卻藤牀好坐看

雲峯矗立寺前山
塔頂斜陽色半般
添箇僧雛泉落處
洗歸銅鉢叩松關

暮靄蒼茫接眼前
澹燕支抹水雲天
山村事事都堪愛
簑笠人歸古柳邊

樹底迎涼扇子搖
隔牆人語一枝簫
炎暘乍過微風動

錯訝新秋暑漸消

絡緯籬邊暝色交一鉤新月吐林坳繫情暮景忘歸去

滿案詩成半未鈔

藕絲瓜瓣試銀刀侍餽高堂小飲叨攜伴更尋幽爽處

晚風聲裏坐松濤

芭蕉涼影織簾波清沁詩腸醒睡魔茗盃細斟閒話久

白羅衫上露痕多

古木無聲宿暮鴉零星螢火點萍花回頭卻望行吟處

窗閃銀缸月已斜

露檻松棚一味涼蛙聲兩部鬧昏黃階前種有神僊藥

香氣隨風度曲廊

綠雲山房詩草卷下

三

漸聽蓮漏逼三更何處樓頭玉笛聲一曲紅腔愁絮絮

梅花落盡夜風清

輕雷送雨到山肩月暗西廂冷畫屏細葛含風涼更怯

一家原住碧瓏玲

敲枕神慵睡未曾挑燈遙憶舊詩朋小樓聽雨情如昨

今隔雲山幾萬層

謂辦香二姊

門外清谿嘯石流遙傳爽氣上簾鉤今宵何事眠難穩

蟋蟀聲中已是秋

雲母屏風影欲沈樹邊殘月入廊深涼颿隨處成天籟

一院竹聲清過琴

趁得餘涼睡不甘夜闌兀倚小窗南星河耿耿兼秋意

玉宇無塵萬象涵
怕教俗慮強人添
七字全拋話米鹽
刺繡工餘閒不得
錦機形管兩無嫌

轉瞬欺樓換袷衫
會看木葉下層巖
詞成消夏將誰寄
萬里家書作伴函

聯韻憶暮春

草色成茵柳散衙
鞦韆庭院是東家
畫簾鉤挂雨迎歸

燕衣袂憐春
冒落花
鏡人影隔窗燈似豆
樹陰當戶月

如瓜
畫晚來回望行吟處
亞字闌干翠霧遮
鏡

夏雨聯句

一番涼雨下山樓
畫午睡纔回氣半秋
耳畔有聲皆爽

綠雲山房詩草卷下

七

籟
鏡枕邊無夢不羈愁
梧桐綠潤新含乳
畫茵苜紅酣

慣並頭何處安排
消夏計
鏡笑拈佳句付冰甌
畫

書感

客心與秋氣
顛顛古今同
天地朝昏候
人生聚散中
白雲親舍夢
黃葉寺樓鐘
極目寒煙裏
飛鳴三兩鴻

秋思

夢轂連番到會稽
吟情猶繫臥龍西
無花閒殺翩躚蝶
養竹肥爭臚膊雞
半榻涼風和篆散
一階秋草入簾齊
人生作客眠宜早
怕有山猿靜夜啼

畫蝶自題

綠醉南園草紅探上苑
花借君千里翼
馱夢到京華

中秋雨

癡心呪雨未曾收，辜負天香一院浮。
雲幻波濤翻玉宇，風吹簫鼓隔瓊樓。
候蟲寒咽遲遲夜，落葉輕傳瑟瑟秋。
欲向九霄看月色，祇應敲枕夢皇州。
時二老在京邸

登隆山書院西樓

在唐昌治北

半空雲霧擁層樓，中有僊人駐遠眸。
千古圖書藏石室，萬家煙樹繞谿流。
新詩敢壓吳山會，健筆能扛浙海秋。
此地清高遠塵世，好從他日證瀛洲。

九日登高集古續潘大臨滿城風雨近重陽句

滿城風雨近重陽，潘大臨猶有黃花晚節香。
占盡人間

清絕事

陸游坐令合眼夢湖湘，黃庭堅

綠雲山房詩草卷下

四

重陽家宴卽席賦詩索晚香和

官舍清閒卽洞天，一家團聚傲神僊。
分題得句皆風雨，對酒當歌不管絃。
傍晚簾開楓樹下，怯寒衣換菊花前。
半規明月生滄海，吟罷呼來到綺筵。

附陶晚香和詩

奉觴同醉菊花天，誰是詩中第一僊。
祇恐鄉愁添酒盞，卻調涼意入琴絃。
寒林送翠歸簾畔，紅葉和雲墮檻前。
日暮請君重洗酌，爲移明月上瓊筵。

夜午不寐與畫卿聯句

夜半烏啼月滿天，鏡寒山蒼翠澹生煙。
窗鄰菊圃知霜信，畫畫門對莎汀足冷泉。
縫盡秋衣蟲語老，鏡落殘黃葉

鵲巢縣西風幾日催詩興書坐別銀缸手一編鏡

秋日卽事

西風蕭瑟薄窗紗半角斜陽散綺霞瓦鼎煎茶拾紅葉
瓷瓶添水插黃花一樓鄉夢驚新雁九月寒砧起暮鴉
問我秋心向何處乍歸於越又京華
碧天晶晶欲霜時香駐簾卷更遲日薄江村收笞箬
風摧木葉戰燕支悲秋嬾挹芙蓉粉遣酒新題橘柚詞
最是詩糧今歲熟重陽開過菊千枝

三十初度率成二律卻寄都門

寄迹唐昌瞬八年追尋往事已如煙庭闈幸具天倫樂

巾幘曾叨文字緣愛日並承新紫諾家風同守舊青氈

綠雲山房詩草卷下 五

自慚陋質循閨誠半度光陰甲子編

一從孺慕結燕臺百幅蠻箋幾費裁二字平安聽竹報

三章潔白助蘭陔性偏工恨知非病詩在言情不炫才

惟願榮歸親尙健兩家合住小蓬萊

紫雲山題壁山在昌化縣治東

接天雲氣出人寰秋長松蘿路半灣樹隔塵區花亦壽

山臨佛地石偏頑寒潭日午聞龍臥法炬香高引鶴還

可有三摩堪請謁也教紅袖叩禪關

衝破煙霞別有天奇壘起立古藤眠雲迷祇樹藏眞覺

日照曇花見大千鸚鵡銜珠迎上客闍黎攜鉢賣清泉

留題粉壁慚貂續誰是紗籠第一篇

紫雲山途中

重尋歸徑紫峯西回首禪關路已迷出岫雲都隨足起
銜山日正及肩低谿橋斷處撐雙塔煙樹叢中臥一犁
不有阮孚千兩屐那能摩壁盡留題

最愛林皋路幾又貪看景色屢停車繞谿屋似魚鱗細
截道橋如雁齒斜山遠雲根疏著樹秋深霜葉豔成花
凌空極目增鄉思千里歸來羨暮鴉

吟瓣香姊卽題其所寄悲詞

癸卯秋姊隨老母人京時姊夫

周弋香遊汴五年矣將晉都迎姊而卒於汴赴音至京姊適病瘵家人祀其耗逾年而發之姊手書述悲詞千餘言寄于詩以唁之

千里音容賸畫圖

何麗生表兄圖

別離生死遠皇都能

綠雲山房詩草卷下

六

歸故國家何在一去人閒耗更無破鏡愁長山雨泣迴
文機斷井泉枯可憐半載魂銷後猶向河陽說望夫

夕照臺邊哭逝川問天無路竟呼天鳴鸞未踐同車約

控鶴難尋異域僊此後歸人眞夢想當年臨別已黃泉

攜雛相望魂何處不擲金錢擲紙錢

姊有子珊石甫六齡

對雪

連朝飛雪布空濛山寺惟餘半壁紅天地大觀交玉戰
梅花開在有無中

輓絳霞姒氏寄都中

遙送蒲帆出鑑湖忽聞燕北井泉枯誰調蘭膳供家燕
驚聽萱帷泣夜烏千里關山積旅櫬一身冰玉返蓬壺

問君此去呼天近能續生前斷夢無妓早寡失節二十

獨坐

獨坐小窗前消閒事筆硯伸紙未成吟天際一聲雁

小除夕作

雪珠灑地東風香梅花送客歸故鄉今年忽憶去年事
梅花與我同蒼茫歲闌檢點錦囊裏得詩三百聊自喜
更有一束長安書書中有語可慰予上言京華二老健
餐飯二老在京年高頗健下言中山諸女多文譽佩兄攜二女官定州親課書史
窗榻新糊設棐几鍼綫餘工置勿理清閒官舍貧不忙
家在桃源萬峯裏門前餘雪冷未消對我猶作花痕嬌
寒山蒼翠睡欲起早禽得日鳴連朝弱柳舒青古苔綠

綠雲山房詩草卷下

七

將棄熏籠就春服君不見萬戶新桃換舊符黃童白叟
爭歡呼元宵預約觀燈侶買取春光滿玉壺

新春 丙午

四圍山色撥雲開佳景相期日日來俯砌未穿澆藥井
呼童先築種花臺安排好夢消良夜檢點新詩送落梅
爲恐韶華愁裏過且邀明月共銜杯

正月十三日翰文姪二十初度

弱冠終軍氣浩然縣弧欣值上元先鵬程得意芹剛綠
鴻案偕臧月早圓春在芝蘭延愛日材堪梁棟重芳年
待看破浪乘風去足躡蓬瀛路幾千

送翰文歸越應試

隨分琴書適性情用放翁句無邊春色送歸旌水天一碧風

帆利想見雲鵬萬里程

唐山小餞柳衙前勸盡一杯人上船此去文壇須努力
采芹爭趁杏花天

羣季歡迎酒滿尊高堂定省事重敦漫嫌春雨妨遊屐
觴詠還須問右軍

指日輕舟放棹回千巖萬壑畫圖開故鄉風物如堪贈
翦取湖光一幅來

花朝雨

天公催雨洗芳辰滿地榆錢不染塵金谷寒多鶯語滯
珠簾風軟燕泥新柳梢爭放一分綠花夢初驚二月春
著屐遙知山徑滑可勝惆悵踏青人

綠雲山房詩草卷下

六

春望

朝來閒倚畫樓東遠近春光一望同煙外柳條翻淺碧
雨餘花瓣墮輕紅紙鳶綫直琴聲細鐵馬風高日影中
十里江村看不足小橋西去見漁篷

燕

海燕翩翩杏苑西年年認識畫樓栖霞露捎花下紅襟溼
風側簾前玉翅低喚子呢喃驚午夢營巢辛苦啄春泥
舊時王謝今誰是烏巷無人路已迷

鄉思

茜紗窗下日遲遲叉手剛成七字詩底事裁箋頻闍筆

半憐花信半鄉思

二月二十三日雪

剛約尋芳踏輦紅
忽驚飛雪墮長空
黎雲澹鎖燕支冷
竹粉橫添翡翠籠
銀海春光零亂處
綠蓑人影有無中
關心花事難消歇
乞取陽和仰化工

春寒

春光寂寂思依依
深院無人晝掩扉
病質吟花紅亦瘦
疏簾引草綠爭肥
綠慳骨肉辜鄉夢
愁老年華傷翠微
酥雨連朝寒不耐
晚來催我更添衣

喜晴

一番滯雨又新晴
天假詩情十倍生
斜日半山明樹色

綠雲山房詩草卷下

九

飛泉百道壯谿聲
花魂乍醒妝猶怯
鳥羽方乾語轉清
極目江村圖畫裏
綠楊深處有人耕

春夜聞簫聲

明月空階影寂寥
倚樓長笛夜迢迢
一聲驚落花無數
滿地殘紅和淚銷

春夜聞鐘聲

窺園門在設常關
月轉窗西紫翠環
忽聽鐘聲花外動
始知家住寺前山

雨夜聞鶉

寄迹空山歲屢更
春深復聽杜鶉聲
渠憐花雨呢難住
我抱鄉愁夢不成
一代帝王無箇侶
千秋齊女有同情

遙知此夜天涯淚幾處牀頭枕角傾

山窗卽景

山窗宜向百花開好鳥催詩日日來誰爲含情刪不得
垂楊分綠護妝臺

春朝常破繡工夫筆硯安排興不孤怪底花枝慵過我
一簾香影倩風扶

清明

山色排青逗茜紗清明風景到僊衙一階雨足草都長
三月寒多柳未華曲徑柔陰團老屋石泉槐火乞鄰家
開門十畝聞田水麥隴無聲躍穉蛙

偕曉香誦經於近聖居

綠雲山房詩草卷下

三

連朝風雨逗禪機寒入鑪香乍掩扉手握牟尼珠一串
笑予紅袖頓皈依

辜負吟帷幾日春摩訶池隱酷愁身要將法雨隨花雨
徧灑人間澣劫塵

強坐蒲團埽俗情一篇真諦半分明憐春心事難拋卻
爲有黃鸝深樹鳴

花關權試作禪關滿徑旃檀鳥欲還滌罷塵懷休寓目
杜鵑紅徧萬重山

春暮

溼煙漠漠繡簾低寒怯醅夢欲迷風雨漸多春漸老
滿城濃翠乳鶯呢

次韻和翰文姪立夏日初晴

輕煖輕寒雨後天，柳搖晴雪滿窗前。
詩成珠玉高難和，醉入醪醑倦好眠。
紅褪花枝深見蝶，綠迷槐蔭靜無蟬。
幽人預計消長夏，不是山崖卽水邊。

繡餘纔罷送春詞，天意來徵首夏詩。
嬌雉低飛綠淺水，乳烏爭噪識高枝。
風翻麥浪翠盈隴，日照荷錢青半池。
櫻筍厨開人賭韻，獨慚康樂是蛾眉。

錦囊一襲京中二老寄子物也題詩環寄

珍重奚囊古錦裁，分明慈母手中來。
今朝卻寄長安道，又沐高堂親手開。

憶若邪

綠雲山房詩草卷下

三

漂泊何堪憶若邪，每憑詩筆話天涯。
黃梅雨裏一闌鴨，青草池邊兩部蛙。
風信頻年經客地，夢魂歸處是吾家。
擁書獨坐還增感，不盡谿流逐歲華。

小病口占

午夏光陰十倍長，闌蘭箭箭已含香。
愁看清簟織流水，臥待疏簾飾夕陽。
嘗藥過多吟亦苦，盼秋未到意先涼。
離情休作膏肓患，極目煙雲是故鄉。

夜坐

夜色池塘兩部蛙，麥秋天氣豆籬花。
泥蟠尺蠖工吹笛，窗隔飛蛾猛打紗。
夢裏封侯槐作郡，醉中爲客竹忘家。
不知新月窺林罅，兀聽寒樓鼓幾槌。

端陽

曉來和露翦菖蒲重午閨中興獨殊綵綫纈成長命縷
紅箋裁作辟邪符蘭湯水濺愁應澣尤酒香傾夢欲酥
嬾學唐宮人鬪草何須借得謝公鬚

和晚香夏日吟

叱犢何人過夕陽綠槐偏處晚風涼天涯躑躅愁逢夏
苻帶能牽別恨長

夜靜偶題

自知才愧水雲僊小住巖阿瞬十年雨冷三春初買笏
山深五月尙嗁鶻聞中說理添奇悟愁裏尋詩得警聯
檢篋渾忘吟太苦夜闌猶自手殘編

綠雲山房詩草卷下

三

雨過

溼雲收得又斜陽風約疏簾葛袂涼樹潤宮槐煙乍斂
花酥池藕暈生香層巒瀉翠明詩榻飛瀑流青度曲廊
雨過不惟人意暢蜻蜓也爲水天忙

病暑自遣

藥石無端與病謀睡餘閒上小紅樓蟬嘶高樹風當午
鷗點晴江水欲秋靜對鑪煙銀蒜下亂編棚篠綠瓜稠
遙思甫里應消暑一簇荷花一釣舟

題李蘭暉姻長玉笥山樵圖

小隱巖泉蛻俗塵十年松幹長龍鱗南湖一曲佳山水
重見高人賀季眞

翔鴻原不受牢籠世上還尋化鶴童朝暮樵風千古事
神僊猶住畫圖中

爛柯山下覓巢壺坐臥煙雲水一隅別有鬚眉人不識
迥然吾亦見眞吾

金簡曾從玉笥儲結廬喜近姒王居萬重嵐翠通樵徑
天假名流此讀書

夏日偶成

臨谿卜得三閒屋水光風影來廊北四圍紅藕掉扁舟
一階芳草眠馴鹿地少塵緣與世偏樂有神僊豈我獨
夜涼更埽松陰石明月爲茵和露宿

長夏幽居戲效元人體得二律

綠雲山房詩草卷下

三

長夏幽居興正賒石泉新汲自烹茶戲編小令書蕉葉
乍換輕衫襲藕花千里書來燈欲語半山風墮竹先斜
清涼如此何愁暑吟到松陰健有加
動搖風影愛簾波石磴花階露氣多幾疊雲羅蒙澹月
一丸星火度明河飽聽竹籟兼泉籟遙答樵歌與樵歌
莫信天邊牛女事披衣爭問夜如何

立秋後一日

一葉桐飛露氣清卻教殘暑了三庚雨零階草無多綠
風撞檐鈴自在鳴畫夢慵回蒲薦滑病軀寒悄葛衣輕
窗前老木蕭蕭下怕聽蟬嘶斷續聲

有感

世上浮名狂似沸書中生理薄於塵多愁強作英雄語
失意權爲懵懂人一片心如龍在穴百年身是雁來賓
空明要學激潭水照見青山面目真

青山潭在昌化治前二里其上多青

山故名

秋興

寂寂簾龔瑟瑟風一聲新雁夕陽中迴看階草闌珊際
數點海棠深淺紅

暑齋多秋海棠

排窗山色淨如妝室有秋蘭半已芳睡足渾忘天欲晚
月移竹影上流黃

斗室清閒俯仰寬秋衣製就待新寒物華應候爭人早
綠潤香芸欲滿闌

綠雲山房詩草卷下

言

香盡鑪中篆影浮雲天蕭爽火西流朝來風雨晚來月
都是紅閨筆底秋

秋感

鄉思驚秋夢不圓披襟默對一鑪煙夜深更有銷魂處
風葉蟲聲月午天

多病工愁與命憎寒侵瘦骨半峻嶒可憐昨夜西風裏
減卻桐陰又一層

秋夜聞雨

燈閃窗櫺急雨敲耳根淒楚睡難交三更冷露降蕉葉
一夜西風健竹梢玉漏添長疏不斷牙籤斜擁倦頻拋
撩人更有天邊雁慣寄鄉愁落枕坳

秋日有懷

一水去溶溶西風動暮鐘睡甜鄉夢苦衣綻淚痕縫詩
健登峯鹿愁深入海龍家山疑萬里何處認行蹤

感夢

斷夢飄零越嶠西孤燈殘漏轉淒淒抽箋欲辦無愁法
展卷重吟感舊題露檻月明桐影瘦夜窗秋老蟀聲低
鄉心攪我眠難穩幾度披衣待曉雞

夢寤

燈影搖青夜未殘朦朧澹月半闌干誰憐一覺京華夢
驚向蟲聲味更酸

家君以七律八首慰諭因謹述近狀十章呈寄

綠雲山房詩草卷下

三

都中

別離偏屬善懷人寸草還承長養春卅二韻傳慈父訓

千金書慰異鄉身衣縫密綫恩遙被甘餽餘飡味正新

蒙寄衣服食物惆悵趨庭疏鯉對且修蕪語託鴻賓

學得雕蟲技未全枕山樓畔勉裁箋謂龍山舊第幼時所居香分

翰墨三千里佩蓀兄常以手臨碑帖寄示手寫家書十九年已丑壬辰父兄

先後北上即彈指光陰愁白髮關心風味熟青氈即今

檢篋留吟草猶憶慈帷煖酒天

誰道英雄怕數奇不妨蟠屈待逢時寄懷書卷情偏逸
引領風雲願最癡事未從心權懜懂才還憎命故紆遲

年年桃李春濃處費盡泥金一縷思父兄十下禮閣

梅花時節度西湖愁結衿聲抱唾壺差幸墜鄉承舊德

不嫌宦海有寒儒歸期未踐三年約別淚難教一日無

况是行旌動春色忽牽魂夢向皇都蓉以戊戌之冬至唐昌因海氛

不靖歸省未果而老母於癸卯之春攜眷北行矣

庭闈北上近楓宸骨肉南留祇一身老母挈眷十餘人北去留者惟

蓉未了三生文字孽可憐重度別離春追隨徒羨同懷

樂辦香姊祖餞猶慚半子親慰我衷腸無別事丁天章

初錫五花新吾兄官中山始得祿以養

課孫堂下埽青苔室繞紅藤自昔栽京邸有藤乃漁洋山人故物几

上煙霞新畫臺兄弟俱工畫座中雲樹古樓臺一編遞授傳

家學四代同稱介壽杯最是中山賢別駕省親時向

綠雲山房詩草卷下 三

帝城來

清廉家世作官箴先曾祖實匡公官南康有廉名猶是書生物望欽吾兄

掌教中冰署新摹斯相篆吾兄兼善隸篆繡窗閒和謝庭吟女

裝德菜僊俱能階蘭留助舍飴樂兄子留京侍二老宅相彌歡

詩先至官舍瓣香攜幼子何日長安親定省恒春樹下指藤

繞膝心同留京邸

自憐離緒總迢迢聚散無因恨不消鏡裏愁人將白髮

夢中諸阮尙垂髫平安字遠驚初到孺慕情癡費曲描

積得山窗吟一卷半嫌疏野半蕭條

詩情從古妙忘機賦茗高才敢妄希兒女緣慳遲燕翼

功名分薄滯鵬飛早知破甑難重顧休羨侏儒易療饑

卻恨病軀甘藥物，幾回寬褪舊時衣。

頻年盼望日邊遊，無奈蠅鑽不自由。賦性如鳩能養拙，詩心隨雁慣知秋。情憐故國虛東望，夢挽飛龍向北流。借問鄉書何處達，紫雲山外白雲浮。

紫雲山在昌化治東

七夕

又是羅雲織遠天，無涯情思落尊前。邊秋遞到一聲雁，溽暑催殘幾箇蟬。桐葉青教苔補空，槐花黃與桂爭先。姮娥也解雙星別，捧出銀匳總不圓。

此詩作於丙午七月初九明年是日

卽女史易簪之時未句或以爲詩讖云畫卿誌

夢與畹香聯句詠楊柳樓臺覺而僅記末句矣

詩以誌之

綠雲山房詩草卷下

三

碧檐朱檻倚晴流，斜日闌珊半竹樓。猶記夢中詩一句，柳陰新煖鞦韆鷗。

中元後天氣驟涼

重重煙翠碧谿頭，彌望炎雲頃刻收。肌瘦怯風寒起粟，夜涼當雨夢知秋。潤添蟲語流荒砌，冷抱螢光入畫樓。半角羅幃燈影澹，恰宜敲枕數更籌。

涼夜詩成復與畫卿聯句

薄霧輕煙澹不收，十分涼思屬高樓。畫牙牀小倚琴爲，枕翠箔斜縣月作鉤。鏡終古長留松徑綠，千金難買竹山秋。

畫

問子底事渾忘睡，爲看蓮花粉露流。

鏡

秋暮卽景

獵獵風聲透絳紗一年砧杵罷村家嶺梅欲發胎如豆
林樹將稀葉作花曉市霜高肥健蟹暮雲天闊點寒鴉
驚心秋色催人老衣重何堪瘦體加

月破雲中雨霽天小窗燈火對愁眠粉銷畫壁添蟲爾
紙脆殘書飽鼠咽斗帳煖香醫睡渴膽瓶寒卉助吟緣
詩腸苦索知難和敢是枯僧賈闋僊

新寒

風送新寒入畫樓雁聲橫破碧天秋稻花香裏衣裳薄
促起村砧向夜流

暮秋

西風逼窗扇落葉深庭院嫩寒袷袂知餘煖薄衾戀

綠雲山房詩草卷下

三

霜意傳老屋酒甕蒲萄熟相賞無嬌花銅瓶插天竹
秋雲宿巖岫涼夜疏更漏明月在東籬菊影欺人瘦

初冬卽景

冷逼窗櫺破紙飛暮雲蒼莽夕陽微雨餘楓葉痕如漬
霜下梅枝孕更肥烏立簾窠寒不去人醒詩榻倦猶依
昨宵酷有天涯想惆悵秋聲斷擣衣

與晚香晚步聯句

白雲圍繞碧蘿峯鏡木葉凋零露正濃幾點鴉飛天萬

里晚一家人住嶺千重鄉心句起疏林雨鏡塵思消磨

梵宇鐘回首斜陽山半面晚餘霞猶照老鱗松鏡

秋日重登尊經閣與晚香聯句

危樓四面對層山高挹雲峯紫翠環晚自有琳琅光煜煜
何妨珮玉韻珊珊鏡半林斜日孤煙起千里秋心隻
雁還晚祇是不堪遊子意又逢紅葉雨痕殷鏡

嘉平二十五日沂兒生

縣弧剛在臘春中花信初過五日風實丁未立春
之第六日也攬揆
爲逢鳴鳥節能嗁常趁曉窗紅

聊將願望慰含飴翻憶而翁襁褓時喜說崢嶸頭角似

廬山眞面二人知

十萬軍中夜絕糧渴行無水路偏長卽今乳哺愁難繼
况是他年齒稻梁時方
乏乳

收拾歌筵與酒筵阿娘情緒爲誰牽燈光鑪火供嗁笑

綠雲山房詩草卷下

五

拌得三年夜不眠

寒夜

幽恨時消書一卷閒情長付漏三更出門風緊霜華重
入夜寒多絮襖輕野曠無人留犬吠山高有寺攔鐘鳴
倦吟斜倚薰籠坐明月扶梅伴短檠

端陽日雨丁未

重五偏逢宿雨天衙齋日永正如年槐陰深處蛩聲細
朮酒香中客夢圓蘸墨雲山添畫本薄寒蓮幕滯蘭煙
不將綵縷祈長命伸紙聊成縛虎篇

胡蝶

此女史絕筆之作此詩脫藁不復親
筆視越二十日而長已矣畫卿誌

出自羅浮品足誇遊蹤到處便爲家癡迷金粉魂如醉

貪戀繁華夢正賒小院和風爭逐絮畫闌長日倦眠花
探芳誤集妝臺畔惹得脂痕逗碧紗

綠雲山房詩草卷下

綠雲山房詩草卷下

三

綠雲山房詩草卷下

綠雲山房詩草卷下

綠雲山房詩草卷下

題詞 以年月爲次

古越 鴈鶴徵 雪舫

吟秋老屋埽閒門驚坐邀談酒一尊惆悵神僊辜豔福
鵲絃悽斷一編存

家風賢孝本天然靜好琴心苦不年賴有營齋元九在
愁痕零亂拾遺篇

芸箋銀葉疊迴文手答當年寫韻勤端的才名夫婿貴
吟壇旗鼓冠全軍 時畫卿試 詩古第一

九曲湘雲雁語哀 近聞宗流芳 女史卒湘中 勞山僊馭又蓬萊年來
風雅真消歇後起應憐不櫛才

山陰女史 勞蓮君 瓣香

綠雲山房詩草卷終

一

一別經千里離情百倍增關山稽旅夢風雨憶書燈多
慧天偏妒能文命亦憎荆花今再折 紉香姊先鏡 香十年卒 何處

覓吟朋

遠爾扁舟去生歸踐約難驚風摧玉樹冷露萎紅蘭家
遠親猶健卿亡我更單生平未盡淚展卷不勝彈

余長鏡香八歲其髻鬢時卽與之同臥起共几案如
形影之不相離也余歸周後善病病且劇淹牀席者

數載幸而九死一生得省 老母而鏡香已卜唐昌
之行數約歸期卒至不果何前緣之密而後會之慳

乎雖然縱不得面猶可以一紙書時通款曲或仍以

詩章相酬唱厥後睽隔三千里外尙如一室而今並

已矣嗚呼傷哉憶余遭弋香之變鏡香寄信以詩並
前後作書數千言鍼愁砭恨豈料余留視人世而鏡
香遽一旦先露也庚戌春妹倩陳晝卿赴南宮試距
鏡香之卒未三年耳昔嘗有偕來定州省覲老親
之約今晝卿果來定而鏡香何在耶所遺綠雲山房
詩草晝卿既請各詩人刪定將付剞劂余悲諷畢不
能無言又不能盡言聊綴二詩於卷末蓮君弁識

會稽女史陶蘭卿晚香

與君同是善懷人用集文字論交誼更親每日雞鳴供
婦職雁行差幸步芳塵

許我肩隨未四年遽乘鸞鶴返神僊琴徽驚斷留餘韻

綠雲山房詩草卷終

二

猶貯囊詩三百篇原案遺詩千首今
選擇未存其半

一門詠雪有家風道韞原來賦最工此日殘編和淚讀

山樓惆悵獨吟紅丙午之春鏡香爲余手題吟室曰
吟紅山館相助以詩絮月不飽

年來巾幗少才名又痛荆花折汴京姑姉端生頗擅文
字曾來唐昌歸省

共筆硯數月今
卒於河南官舍兒女工愁原易老閨門聰俊幾長生

錢唐魏謙升滋伯

千巖競秀誇形勝一鏡流香識姓名手握江毫花燦爛

胸羅邱錦字分明思親京國詩緘札從宦唐山膳作羹

謝絮幸傳潘騎省庭蘭珍共納書楹

桐鄉女史陸費湘子季齋

依約睂山慶宮春綠絲低拂鴛鴦浦杏花天影玉人金縷石湖

爭忍凌波去念奴嬌象筆鸞箋法曲獻惆悵誰能賦卜

子今何許點絳脣傷心無數齊天樂凝竚曾遊處月下調

寄點絳脣集姜白石詞句

括蒼 端木百祿 叔總

一卷遺珠手自鈔晝卿感悼後彩鸞何幸匹文簫玉臺

能賦悲年促粉案聯吟感夜遙絮雪多才天亦忌黎雲

同夢福難消記曾獨客燕山日匣劍囊琴伴寂寥

會稽 李慈銘 蕓客

泊漚社散風流歇又見名閨正始編一夢繁華隨蝶化

彩裙偏不解留僊女史絕筆於胡蝶詩有貪戀

儘教諸老愧鬚眉瘦格簪花一序推錢唐女士參真去

綠雲山房詩草卷終 三

身到曇陽又幾回卷首有關鏡序後為吾友蔣坦

芙蓉鏡裏幟曇華鐵字程程初女史吾友徐

稟二合並誇爭為夫君作佳兆愛將名字屬吾家

一卷蘭陔潔白詞燕山親舍悵終辭鈔詩禿盡蕭郎筆

償得當年寫韻時

昆明 李恩樹 彤階

休將歷劫歎紅顏佳偶由來福命關似此僊才賦僊子

教他那得久人間

秦嘉爭詠擅詩名論品終輸徐淑清試把一編聊比並

合教夫婿拜先生

奉倩神傷賦悼亡零屋佳句總珍藏祇今留得遺編在

賜斷簪花字幾行

吳江葉振聲 子音

淒涼繡閣冰絃冷愁聽一簾秋雨夜月吟紅遙山畫翠
會記春風庭宇天心似妒歎才盡蠶絲夢銷鴛侶碧落
悠悠祇今環佩渺何處 當年名高詠絮是蕭郎手寫
珠玉無數脂粉餘香零縑碎錦添得幾分酸楚傷心細
訴有百首新詩夜窗吟苦補入琴聲此情誰共語 調寄
臺城路

會稽孫憲祖 月湖

靜從貝葉證前因瘦與梅花作後身豔福還憑夫婿占
蘆簾紙閣著詩人

綠雲山房詩草卷終

四

脣山愁絕強登樓遠道平安盼白頭別淚兩行腸九折
杜鵑聲裏寫離憂

嘔出心肝不自知夕陽芳樹別離時劇憐短夢參胡蝶
已是春蠶欲盡絲 集中以胡蝶詩絕筆

連年臥病綠雲閒稟草頻教枕上刪除卻性情無別語
鬚眉祇讓白香山

山陰女史何佩蘭 季馨

詠絮門庭賦茗才天生慧業託妝臺如何十載留琴韻
一去乘鸞便不回

寸毫從窺孝思深薊門淒絕望雲心怪他筆底鉛華淨

都作哀商怨徵音

長白女史 薩克達氏 友蘭

妙絕金閨詠絮才
思親賦景句頗裁
如何續史班姬筆
祇作曇花一見來

吟哦聲斷夜窗寒
鏡影塵封硯滴乾
此後月明花放日
更無人倚碧闌干

長白女史 蔣夢僊

鏤雪裁冰筆一枝
班姬才調謝家詩
油然孝思羣欽仰
不作風花月露詞

神韻天然屬大家
繼詞真許正而葩
論才未必鬚眉遜
白雪吟成氣自華

山陰 陳壽祺 珊士

綠雲山房詩草卷終

五

採痕慰夢了當年
香讖十載相思月
明影彙中有人生一月影之句

算評紅惜翠修到鴛鴦翻做了一曲離鸞孤引 畫樓

閒凭處影事淒涼搔盡檀郎舊詩鬢漫說有來生碎佩

零香怕再世也難憑準看半卷殘箋鎮傷心好唱向秋

墳雨昏煙醒 調寄洞仙歌

會稽 趙爲霖 雅鄉

秋宵月皎皎高樓生涼風手持一卷詩朗誦豁塵蒙冰

玉鍊詩骨其聲何玲瓏鏡湖水瀾瀾唐昌山重重性靈

此陶寫山水鬱蘭胸思親矧清淚尺書託飛鴻阿姊亦

遠行天涯走詩筒煙樹報春鳥露草號寒蟲春愁併秋

恨寫入字句中夫婿解讀書才名驟江東倚肩寫唐韻

怕荒螢雪功相期功名成樊榭步前蹤奈何閨中人亦
以工詩窮幾許不得志心病無藥攻墮劫卅二年蝶夢
乃惺忪讀詩忽至此視天何夢夢把卷長歎息命嗇由
才豐不如癡女子綠窗勤婦工目不識个字得受福庸
庸感極急掩卷燈花落殷紅霜重葉聲碎綠陰生秋容
何處哭文匄冷豔寒江空一笑對明月冰絲張孤桐

涇川女史 吳麟珠 倚琴

錦瑟生塵已十年人閒難覓掌書僊絳河一去無消息
留下芙蓉密字篇

南都螺子手親調箴語吟箋一樣嬌才是君徽原不忝

平生合住鮑家橋

在越城植利門內夫人家於此

綠雲山房詩草卷終

六

秦女鸞簫蜀女琴春愁暗損杜鵑心白雲千里思親句
寫向東風淚滿襟

慧業僊緣並證成蘭閨人月好華齡如何花底三生夢
化作春駒總不醒

蓬飛雙鬢看揚塵寫韻年來未佐貧翻羨碧城歸去早

不知世有斷腸春

時子避亂航海來越知憂生之戚有甚於此離者

涇川女史 章德芝 敬芬

拂指芙蓉粉尙新瑤華遺墨見天人藻才早擅劉三妹
淹雅羣推左九嬪百葉琅瑤牋清澗雪一牀斑管粲生春
玉臺他日重哀集舊選蕭梁未足珍

春江催送孝廉船指顧東方騎數千天上文鸚眞得偶

夢中胡蝶竟成僊集中以胡蝶詩絕筆雙修福慧齡偏促一代風
騷史定傳祇愧壽陵難學步買絲願繡女青蓮

山陰褚元晉錫之

臨風欬唾盡珠璣
颯颯音穆穆
微秋水自寒
明月瘦
香毫猶潤彩雲飛
文簫靈匹雙修證
飽爵芳緣永好違
膺有綠窗遺橐在
盥薇讀罷重獻欬

藐姑僊子騎煙蘿
詩品方來定不訛
修竹韻從神外淡
幽蘭香在骨中多
白雲親舍深瞻望
紅燭書窗伴嘯歌
怪底安仁霜著鬢
縑細零落奈愁何
翡翠幄自年年
雲冷山房綠可憐
此地遂成長恨窟
相思欲老有情天
彌留句尙吟胡蝶
小謫僊應化杜鵑

綠雲山房詩草卷終

七

莫是修文才厭俗
玉樓徵到女嬋娟
荀令香名翰墨馳
爲鐫茗玉播芳詞
銘幽自有千秋在
慰望無嫌一第遲
黃絹才人推幼婦
絳紗弟子拜遺師
會昌他日編成集
快睹珠聯璧合時

山陰陳福璋 一林

一曲離鷺了夙緣
芳名空憶女青蓮
玉臺膾有簪花字
欬唾珠璣落九天

燕山道遠拂車塵
別恨難忘白髮親
祇爲吟詩愁不斷
杜鵑聲裏月如銀

淒風冷雨透湘簾
病思還從客思添
秀骨已寒詩不朽
美人孝子一身兼

謝絮家風自幼誇吟魂時寄碧窗紗夢中化作雙胡蝶
飛入河陽一縣花

蘭臺千古讓裙釵曠世相逢獨感懷祇恨紅絲難續命
驪珠從此歎沈埋

寂寞山房鎖綠陰莫愁地下少知音妝樓舊侶多零落
定在蓬壺作伴吟

仁和 龔寶琦 念匏

如鷓如鶼住唐昌撰杖同親色笑康想見雲煙互揮灑
一簾花影日舒長

洵汰穠華見性情雲璈水瑟韻天成傷心最是思親什
化作嘯鵑夜雨聲

綠雲山房詩草卷終

八

此是春蠶五色絲玉壺休再悼微之嬋娟賦命何曾薄
生死湖山全盛時

吳門 顧文彬 子山

玉鏡塵昏危絃調苦鳳簫怨徹清商想綺疏空揜曲曲
迴廊閒展繡鴛殘譜愛露箋洗盡時妝應難寫臨流瘦
影連理秋房 明璫瓊扉十二奈草色迷雲僊影懸霜
比人間春別何似唐昌自是蕭郎飄泊念舊遊都是思
量淒涼句年芳易失蝶夢空忙 調寄鳳凰臺上憶吹簫
集周草函句

吳縣 潘曾瑋 玉淦

賦茗休誇擅藻思閨中孝子女中師卽看染翰脂函畔

祇譜南陔絜養詩

色笑高堂悵遠睽病軀迹阻若邪谿杜鵑最是傷心鳥

奈向思親人夜唳

山中多杜鵑詩每及之

一函書報阿兄聞婦職須資內治勤不惜好書傳白燭

早將橐付樂昌焚

女史于歸自火其橐致書其兄有筆墨非婦人事之語蓋有感而云然也

小謫飛瓊本是僊人閒天上別情牽如何歡會雙星夕

破鏡先愁月不圓

謂集中丙午七夕詩之識

賦物靈思入妙微又成詩識是邪非蓮蓬一枕南柯夢

莫返僊魂化蝶飛

集中以胡蝶詩絕筆

檢點遺編手自鈔淚痕和墨蘸銀毫定知湖海元龍氣

摧折柔腸也不豪

綠雲山房詩草卷終

九

蕭山任晉謙牧父

衰榮無定在鬼神茫昧然離鵑鳴清池始室喪其偏懷

此貞秀姿無以樂當年久遊戀所生路遐無由緣望雲

慙高鳥弱豪多所宣

謂寄懷父母諸作

歲月好已積矧伊愁苦

纏詩書敦夙好玉石乃非堅靡靡秋已夕亭亭月將圓

如何捨此去絕音寄斯篇

謂丙午七夕詩

玉臺凌霞秀百世當

誰傳死去何所知離憂悽目前

集陶詩句

吳興沈鏞經芸閣

腸斷千休與萬休祇因惆悵對銀鉤鴛鴦有伴誰能羨

蟋蟀何知人自愁聚散有期雲北去浮沈無計水東流

畫堂昨夜西風過桐樹心孤易感秋

韋

莊

李

治

許渾 魚元機
馮延巳 曹 鄴

總向紅箋寫自隨祇因幽恨在新詩謝家詠絮徒相比
潘岳悼亡猶費詞比目鴛鴦真可羨冷煖秋雁不勝悲
長嗟人與弦俱絕恐是儂家好別離薛濤 合元 步非煙 賴

盧照鄰 嚴 武
劉禹錫 李商隱

玉枕長拋未續弦多情信有短姻緣落花不語空辭樹
明月無情卻上天永晝迢迢無一事春愁黯黯獨成眠
紗窗祇有燈相伴舊事思量在眼前劉禹錫 鮑家四弦 白居易 薛逢

章 莊 韋應物
裴 說 白居易

等閒裁破錦鴛鴦知道浮雲不久長疑是落花還碧洞
忍看新草徧橫塘勸疏杯酒知妨事閒把荆簪益自傷

綠雲山房詩草卷終

十

天上人間不相見欲將身贖返魂香施肩吾 王蘊秀 趙 生 獨孤及

羅 鄴 李商隱 集唐人句
崔 顥 寶 鞏

鴛湖女史 沈 藥 芷 菴

碧雲停紅日暮竹影罨窗戶坐展瑤編吟罷齒芬吐愛
他韻比珠圓詞疑水活更洗盡風花月露道途阻十
年遲我南來問字鏡湖路空悵鸞軒先返玉京去還欣
擁髻書生掃眉學士總不出吾家清譜調寄祝英臺近

大興 徐啟謨 許卿

朱鳥窗開寶笈文縹緗猶帶硯池雲藥花篇已三臺寫
齷葉香留一瓣焚賴有佳兒勤拾棗近來孃子總能軍

蠻箋百幅親鈔後絮酒還澆鹿邑君

撚指韶華廿五絃班姬才調左姬賢
詢來塵海原多事
嫁得傳才便是僊雲影白搖親舍
夢眉痕青鎖鑑湖煙
杜鵑聲裏思鄉賦寸草春暉絕可憐

玉臺清選壓詞林附驥才名仗藁礎
蓋篋至今攜海右
練裙從古說山陰雙鉤遺迹
麻沙本幾卷叢書笠澤心
一炬崑岡焦土後此編眞抵萬黃金

紫泥小篆辨瓊瓊繡帙裝池幾度成卷裏
秋心叢百感
樓頭人影繪雙清名堪壽世無修短才爲能詩入性情
此日營齋差足慰上頭夫婿已公卿

歷下陳士焯詩舫

博山篆冷沈煙歇寶匳夢斷香塵絕
春蚓叢殘籛葉書

綠雲山房詩草卷終

七

秋蛭掩暗菱花月綠雲山館咽悲風問字蛛窗了鳥紅

記點麝煤參亥豕記收蠹粉註魚蟲乘龍夫婿才名擅

蘭閨酬唱歌傳偏賦茗詞華詠絮才名儕女史儒林傳

白雲親舍望迢遙腸斷荆枝翠鬢凋銀葉花絨情脈脈

紅燈微雨夢蕭蕭唐昌山青鏡湖綠十年消受湖山福

妝樓寫韻檢唐風棊几彈棊妙琴曲慧業文心劇可憐

藥鑪經卷送華年一朝蘭玉成摧折賸有珍珠字數篇

數篇詩抵瓊瑰重唾花濺玉吟么鳳淚盡春鵲宛轉心

香銷胡蝶繁華夢玉谿錦瑟倍神傷檢點遺編伴客裝

碧甕紅羊呵護得江南瘳損沈東陽星霜轉轂餘芳守

夢醒蘅蕪幾回首牙琴何處覓知音長歎閨中失良友

似此清才壓左芬一緘遺墨冷秋芸幸附東坡名不朽
心香同拜魏城君

豐潤 趙國華 菁衫

聞說人間天上點點瓊田草綠雲窗榻淒重到曾柳絮
團晴椒花鬪曉春多少除當時碧鸞箋埽誰知道 簫
聲恁好一自秦臺杳同心錦贖安仁悼斷腸贏得分梨
付棗補琴老多拌穗燈紅小

調寄隔簾聽

清苑 張 恕 梓園

別離偏屬善懷人夢裏長安病裏身道是肩隨還有日
銀壺煖酒奉慈親

暮雲天闊點寒鴉不盡谿流逐歲華差幸壻鄉承舊德

綠雲山房詩草卷終

三

山深聊住宦遊家

屢卜歸期未有期碧天晶晶欲霜時三更樓閣秋聲裏
每寫家書輒寄詩

手寫家書十九年可憐千里夢魂天半規明月生滄海
捧出銀匳總不圓

春光送斷碧谿頭斜日闌珊竹半樓省識紅塵中是夢
落花零亂子規愁

恆春樹下指藤陰雲母屏風影欲沈詩句半歸梨棗去
廣陵遺散伯牙琴

集集中詩句

跋

內子勞蓉君幼慧承庭訓讀書頗具才識顧性工愁且多病適予十年善懷父母其爲詩近商音予竊憂之然益喜其詩之工也歲丁未遽一病歿哀遺橐之可者得如千首將劊劓之內兄佩搽道其性情而爲之序旣詳且盡矣王子計偕入都復請序於古虞夏幼蘭先生先生怪予無跋語且命以予補琴山房集中悼亡詩附之予曰否跋以言詩乎詩不待言矣言人乎詩已自言之至悼亡諸作以情生文與遺橐似不相屬者何附焉言未旣先生展卷曰跋在此矣盍誌此語於簡末使人知子之所以無跋而又知子之所以跋乎予曰唯唯乃從

綠雲山房詩草卷終

三

之書壬子三月旣望晝卿陳錦書於春明旅邸

內子勞蓉君之亡至今十有五年矣當時感悼沈吟詩以百計哀然成帙不忍展觀旣又散見於補琴吟草無一日忘人琴之戚焉手錄遺橐納之巾箱湖海相隨未嘗忍置顧欲綴以詩而掩卷淒其廢書屢歎不能道隻字者久之歲暮于役句餘觸緒黯然展閱數四得四律句一吐胸中所欲言遂屬之卷尾以見舊恨之如新云
庚申十二月晝卿再識

葬玉埋香感歲華鸚哥山下颺驚鴉東風已折鴛鴦樹
夜雨重開姊妹花胡蝶飛來原是夢杜鵑歸去本無家
紫雲菴壁留題後付與誰人護碧紗

無端錦瑟作悽絃造物常多不了緣鍼綫愁痕屬兒女

袈裟殘夢話神僊

夢中現女冠相

唬鶯墮地花爭落靈鵲填橋

月未圓

集中七夕詩有姮娥也解雙星別捧出銀匳總不圓之句

最是不堪回首處

洞房燈火定情篇

綠窗愁絕苦吟聲別恨如山了此生驀地可憐荆布死

十年初見錦綳成俸錢尙負營齋願含玉空餘結帶盟

一掾東風管離別桃花潭水已無情

相見時難夢亦難梅花開過雪初殘唾痕已逐香絨冷

淚點都隨硯水乾

謂集中淚痕入硯正封書句

遺挂有時還化蝶補

琴無曲不離鸞而今莫問雙谿月照見詩人隻影寒

綠雲山房詩草卷終

勞夫人事略

夫人姓勞氏諱蓉君字鏡香號采卿父又峰公丙莖兄佩蓀公沉恩皆登鄉舉家素封中落又峰公以母在諱言貧貧滋甚客都下二十年無以歸謂夫人賢命佐母氏黃理家政會次兄怡生季弟保生相繼逝追逋在門百計支吾不已則貸質償其息月數至室蕩然姊二蘭君適李蓮君適周皆以母訓識字能爲詩寄父兄或方之劉家三妹而獨以家報掌記屬其季凡十年年二十三適子子聞其能詩也倒嫁箱則寥寥數篇詢知幼作刪焚殆盡曰筆札非婦人事自今當交修子職執婦工不違矣旣亦稍稍爲之並出途次思親懷遠之什愁而

緣雲山房詩草卷終

五

彌工自是隨任昌化且家焉山谿險惡五年不歸而黃忽挈眷攜蓮君之京師夫人以道遠之未從也歸甯之爽約也育子之維艱也愁病交侵而詩日益工已而佩蓀倅定州迎二老姊蘭蚤卒蓮且寡夫人亦病數以書抵父母兄姊下及諸子女慨切千言閒託於詩愀然不樂佩蓀寄子書謂其近商音也懼不壽子曰不舉子當年顧不謂生子未替而果歿也夫人性孝友讀書有識自幼以丈夫自命言動端謹有法度家人憚之教諸子女居然人師不失尺寸顧內嚴正而外婉訥獨得母氏歡其事姑也如事母敬而和愛而禮雍如也書史外泛涉弈碁績畫不以此荒婦事女紅之暇乃理筆硯莫知

其能詩者信手塗抹得句卽續成之十年所作亦千首當其燈宵雨夕茶罷酒闌擊節沈吟對牀聯和未嘗不風流自賞興會淋漓無何而懷人感舊情緒環生每值落花滿地紅葉敲門苦鳥春深哀鴻秋老鍼愁砭恨涕淚霑襟有不自知其憂喜之無端者旋讀宋儒格言近思錄諸書則又自懲其性質之偏痛加裁抑忘其苦噫曷其柰何弗病與病肝蓋久俄而痾日數十下勺粒不進凡七日自分不起猶爲子誦異日戲言身後事今朝都到眼前來之句徑卒時勞氏二老猶存祕其耗越五午始發之佩蓀序其詩屬子付梓予亦計偕過定州索觀舊寄家書彙萬言封識還之又十有五年勞氏三世

綠雲山房詩草卷終

六

十人及蓮君皆下世葬定州兄子婦胡氏挈孫行南返經山左子復索歸家書四函封識如故謹藏之旣又刻綠雲山房吟草凡二卷俾附子集以行則其子昌沂與於校讐矣夫人生於嘉慶丙子十一月初九日卯時行年三十有二以道光丁未七月初九日亥時卒自其卒至刻詩成亦三十有二年云光緒四年戊寅冬月補勤

氏誌

昌沂 墮地呱呱數月閒卽嬰失 母之痛迫識之無

辨四聲 叔母陶口授五七言詩輒指謂沂曰此汝

母勞夫人所作也時方隨任唐昌 家嚴輯我

母遺詩手錄數本舉以自隨而以綠雲山房初稟雜

零箋賸楮扇一篋授沂且曰汝他日能詩則刻之沂

謹志之不敢忘稍長歸里漸解追思跪啟遺編含悲

卒讀始知我 母生平襟懷之怡曠性情之純篤胥

於詩乎發之襁褓嗚吟惘然罔覺 萱闈遺墨手澤

如新何敢不壽之梨棗辛酉之難棄家航海卷軸蕩

然沂獨囊詩負篋轉徙驚烽怒浪閒僑寓滬城危如

巢幕間增題詠而籌刻未能乙丑夏 家嚴從戎津

綠雲山房詩草卷終 七

海攜冊而北沂則仍抱篋而南春露秋霜開編觸痛

又十年丙子趨庭山左侍 家嚴梓行詩集逾年歲

事迺出遺詩選本并篋藏初稟合勘之其歷經諸名

家籤校者各參已見不免詞意失真因秉命 家嚴

悉還原本復補遺四五十篇而是稟乃臻完備顧念

詩中歲月皆我生以前惟丙午冬閒兩作泊丁未端

陽胡蝶二詩屬草時沂實已在抱小子何知行年卅

二雙雛繞膝捧硯相隨有生來不逮事 母遲之數

十年始得鉞行遺稟藉慰九京並自外家收回手札

敬付裝池展卷淒其未嘗不幸是稟之存而恨是刻

之晚也戊寅六月 男昌沂 謹識



5
1
3